

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱԶԳԱՅԻՆ ԺՈՂՈՎԻ ՆԱԽԱԳԱՀ
պարոն ՀՈՎԻԿ ԱԲՐԱՀԱՄՅԱՆԻՆ

Հարգելի պարոն Արրահամյան

Հայաստանի Հանրապետության կառավարությունը Հայաստանի Հանրապետության Ազգային ժողովի պատգամավոր Սամվել Նիկոյանի՝ օրենսդրական նախաձեռնության կարգով ներկայացրած «Հայաստանի Հանրապետության տոների և հիշատակի օրերի մասին» Հայաստանի Հանրապետության օրենքում լրացում կատարելու մասին» Հայաստանի Հանրապետության օրենքի նախագծի վերաբերյալ սկզբունքային առարկություններ չունի:

Հարգանքով՝

ՏԻԳՐԱՆ ՍԱՐԳՍՅԱՆ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՕՐԵՆՔԸ**

**«Հայաստանի Հանրապետության տոների եւ հիշատակի օրերի մասին և Հայաստանի
Հանրապետության օրենքում լրացում կատարելու մասին**

Հոդված 1. «Հայաստանի Հանրապետության տոների եւ հիշատակի օրերի մասին և

Հայաստանի Հանրապետության 2001 թվականի հուլիսի 24-ի ՀՕ-200 օրենքը լրացնել
հետևյալ բովանդակությամբ նոր` 13.1. հոդվածներով.

բ) «ՀՈԴՎԱԾ 13.1. Ուսուցչի օր` նշվում է հոկտեմբերի 5-ին և:

Հոդված 2. Սույն օրենքն ուժի մեջ է մտնում պաշտոնական հրապարակմանը հաջորդող
օրվանից:

ՏԵՂԵԿԱՆՔ-ՀԻՄՆԱՎՈՐՈՒՄ

**«Հայաստանի Հանրապետության տոների եւ հիշատակի օրերի մասին և Հայաստանի
Հանրապետության օրենքում լրացում կատարելու մասին և Հայաստանի
Հանրապետության օրենքի ընդունման վերաբերյալ**

Ուսուցչի համաշխարհային օրը (World Teachers' Day), որպես ուսուցչի եւ ողջ կրթական
ուլորտի աշխատողների մասնագիտական տոն, հիմնադրվել է 1994թ.՝ ՅՈՒՆԵՍԿՈ-ի
կողմից եւ նշվում է ամեն տարի հոկտեմբերի 5-ին: Տվյալ օրվա ընտրությունը կապված
է այն հանգամանքի հետ, որ 1966թ. այդ օրը Փարիզում ՅՈՒՆԵՍԿՈ-ի եւ Աշխատանքի
միջազգային կազմակերպության կողմից հրավիրված համատեղ կոնֆերանսում ըն-
դունվել է «Ուսուցչի կարգավիճակի հետ կապված ուղեցույց (Recommendation
concerning the Status of Teachers) վերտառությամբ փաստաթուղթը, ինչն էլ ուսուցիչների
աշխատանքը կարգավորող առաջին միջազգային փաստաթուղթն էր:

Ներկայումս Ուսուցչի օրն ընդգրկված է ՄԱԿ-ի կողմից նշվող միջազգային օրերի ցան-
կում եւ 100-ից ավելի պետություններ նշում են Ուսուցչի օրը, մասնավորապես` Ռու-
սաստանում, Մոլդովայում, Էստոնիայում եւ այլ պետություններում այն նշվում է հենց

հոկտեմբերի 5-ին: Իհարկե, երբեմն ազգային առանձնահատկությունները եւ տոները հաշվի առնելով, տարբեր երկրներում Ուսուցչի օրը նշվում է այլ օրերի, օրինակ. Ալբանիայում՝ մարտի 7-ին, Արգենտինայում՝ սեպտեմբերի 11-ին, Չինաստանում՝ սեպտեմբերի 15-ին, Ավստրիայում եւ Ուզբեկստանում՝ հոկտեմբերի 1-ին, Բրազիլիայում՝ հոկտեմբերի 15-ին եւ այլն: Ուսուցչի օրը Բելոռուսում, Ղրղըստանում, Լատվիայում, Ուկրաինայում եւ այլ երկրներում անփոփոխ նշվում է հոկտեմբերի առաջին կիրակի օրը: Հայաստանում Ուսուցչի օրը ՀՀ կառավարության 2001թ. հոկտեմբերի 1-ի N 919 որոշմամբ նշվում է հոկտեմբերի առաջին կիրակի օրը, որպես «Ուսուցչի տոն: Սակայն, նկատի ունենալով, որ Հայաստանի Հանրապետությունում գործում է «Հայաստանի Հանրապետության տոների եւ հիշատակի օրերի մասին» Հայաստանի Հանրապետության օրենքը, ուստի նպատակահարմար է այդ հարցը կարգավորել օրենքով եւ Ուսուցչի օրը նշել հոկտեմբերի 5-ին, քանի որ ձեւավորված ավանդույթի կամ օրենսդրական պրակտիկայի համաձայն «Հայաստանի Հանրապետության տոների եւ հիշատակի օրերի մասին» Հայաստանի Հանրապետության օրենքում ամրագրված մի շարք օրեր, մասնավորապես՝ «Մայրենի լեզվի օրը, որը նշվում է փետրվարի 21-ին եւ «Կանանց տոնը, որը նշվում է մարտի 8-ին, համընկնում են ՄԱԿ-ի կողմից նշվող միջազգային օրերին:

Վերոգրյալներից ելնելով կարելի է ասել, որ համապատասխան լրացումով Օրենքի ընդունումը համահունչ կլինի «Հայաստանի Հանրապետության տոների եւ հիշատակի օրերի մասին» Հայաստանի Հանրապետության օրենքի 18-րդ հոդվածին, համաձայն որի՝ այլ տոների եւ օրերի հետ Հայաստանի Հանրապետությունում կարող են նշվել նաեւ միջազգայնորեն ճանաչված օրեր՝ ինչպիսին Ուսուցչի համաշխարհային օրն է: